



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar

Ingolstadii, 1732

VD18 90066405

78. Considerando Passionem Domini quomodo in ea elucescant virtutes
Theologicæ.

urn:nbn:de:hbz:466:1-45427

bustione, (ut ait Christus) æterna. Præter hoc verò, habet in Passione Domini impietas Judæorum grandem & inevitabilem timoris materiam.

S. Leo ser. 8. Horum enim mentis & carnis aspectibus, in Crucifixe Passione. x̄o à se Domino, non nisi illa species occurrit, de qua

Deut. 28. 66. Moyses ad illos dixit: Et erit vita tua pendens ante

Luc. 21. 27. Ipsi enim in Crucifixo Domino, nihil præter facinus suum cogitare possunt, habentes timorem, non quo fides vera justificatur, sed quo conscientia iniqua torquetur. Consimili timore timebunt omnes im-

Matt. 24. 30. pii in Judicii universalis die, quando videbunt Filium hominis venientem in nubibus cum potestate

Ose. 10. 8. & majestate: quando apparebit signum Filii hominis. quando videbunt in quem transfixerunt, &

Luc. 23. 30. pupugerunt. quando dicent montibus, cadite super per nos, & collibus, operite nos.

MODUS LXXVIII.

SEptuagesimus octavus Passionem Domini- cam meditandi Modus est. Considerare quomodo in ea elucescant & efflorescant virtutes Theologica, scilicet Fides, Spes, Charitas.

Eluxerunt enim luculentissima tres istæ virtutes in Passione Domini, non tantum ideò quia Christus mortuus & Passus est pro hisce virtutibus asserendis, pro fidei suæ veritate, quam prædicavit & docuit; pro spei certitudine, de salute & vita æterna, quam, credentibus in se, promissit; pro charitate, quâ, nos usque in finem, & usque ad mortem pro nobis obitam dilexit. Sed etiam quia licet alias in omni vita sua, hæce

S:
E
oper
Jo
N
S

tres virtutes fundavit firmavitque, potissimum tamen eas Passione & morte suâ sanxit, atque veluti testamento suo corroboravit.

Et quod ad Fidem attinet: etsi in Domino nostro fides non fuit; neque locum habuit, propter omnium, quæ nos fide Divinâ credimus, evidentem scientiam atque cognitionem ex Divinitatis consortio, ipsi necessariò inexistentem, & quia ille nullam veritatem ex revelatione cognovit, sed ipsemet omnis veritatis revelator fuit, imò ipsemet omnis veritas existit, dicente ipso. *Ego sum veritas.* Nihilominus *Joan. 14. 6.* dum pro sua veritate nobis revelata, & ad credendum proposita, passus & mortuus est, fidem Passione suâ nobis adstruxit, indubiamque reddidit: maximè quantum ad fundamentalem articulum fidei suæ, qui est de ejus vera Divinitate atque Humanitate, quem ille in Passione præcipuè, atque etiam Passione asseruit, & comprobavit; ita ut quamvis nuda, & pura Christi assertio magis probet, & hunc & omnem alium articulum fidei, quàm ulla vel opera, vel miracula: nulla enim esse potest veritatis probatio major, quàm quia à Deo asserta est; tamen quoniam Christo placuit ad suæ veritatis adstructionem, & dicere, *si verbis meis non creditis, operibus credite:* & factò ipso opera miraculaque exhibere, ac facere, quæ nemo alius fecit. Ex omnibus istis sive operibus sive miraculis, nullum luculentius articulum fidei, de Christo vero Deo, veroque Homine probat, quàm Passio & Mors ejusdem Domini. Quod ita paucis. Christus Deum se & Hominem verum esse asseruit: Hoc ut probaret atque demonstraret, ad

Kk 4

Dei-

Handwritten notes on the right edge of the page, including the word "asceti" and other illegible characters.

Deitatem veram probandam miracula operatus est: ad Humanitatem verò demonstrandam, concipi ex homine, nasci infans, crescere, manducare, bibere, dormire, sitire, esurire, demum pati, mori, sepeliri voluit. Nisi opera Dei seu miracula pro potestate fecisset: non fuisset unde Deus verus crederetur: si opera hominis seu humana non fecisset, neque subjisset, non fuisset unde Homo verus agnosceretur. Passio Christi, tam miracula Dei, (ut est prostratio satellitum in horto, cognitio sceleris Judæ, sanatio auriculæ Malchi, discipulorum evasio: tum verò tenebræ per totam terram: terræ motus, scissio veli, petrarum, apertio monumentorum; surrectio mortuorum, &c.) quam miseras hominis continet. Passio ergo Domini, Dominum, tam Deum verum, quam Hominem verum demonstrat. Deinde Christus Passus mortuusque est pro salute nostra æterna, (sub quo nomine comprehendo, totum opus Redemptionis nostræ, ut est remissio peccatorum, Justificatio, & Sanctificatio, & Filiatio adoptiva credentium, Vitæ, & virtutum sanctitas, atque perfectio, Mandatorum atque consiliorum propositio, receptio, executio, denique vitæ æternæ consecutio, & hæreditatio) atqui salutem nostram æternam operari non poterat nisi Deus verus, & Homo verus fuisset: Deus enim, nec pati pro nobis nec mori poterat: Homo autem verus quidem, sed purus, etsi pati ac mori poterat, ejus tamen Passio & mors nobis ad salutem nostram æternam nihil proderat. Opus ergo, erat Christum, & Hominem verum esse, ut pati morique posset, & Deum verum esse,

S:
B
oper
Joh
N
S

ficti & phantastici: veri ergo: ac proinde
 Christus verus homo fuit, & vere meritòque
 se filium hominis vocitavit, nec non ob homi-
 nibus vocitatus est. Quodsi verus homo Chri-
 stus fuit: jam vel fuit purus solùmque Homo,
 vel fuit simul etiam Deus, & compositus ex
 Deo & Homine unus Christus. Si hoc secun-
 dum asseritur. Sufficit. Siquidem habetur in-
 tentum, & nihil superest probandum ambigen-
 dumve de Christo vero Deo & Homine, con-
 sequenter Redemptionis nostræ Authore, & salu-
 tis aeternæ administro. Si autem purus omnino,
 & solùm Homo Christus fuit, & solùm pro Deo
 haberi, colique affectavit, ad idque speciem
 ficti Redemptoris, proque hominibus Passi, &
 mortui assumpsit: sequitur Christum. 1. qui-
 dem superbissimum. 2. stultissimum fuisse. Su-
 perbissimum quidem fuisse necesse est: quia
 Deum se jactaverit, & pro Deo vero coli vo-
 luerit curaveritque: in quo, cum & mendax
 atque impostor ante homines, & in Deum ve-
 rum impius, atque idololatra, & blasphemus ex-
 stiterit, meritò à Judæis ea de causa ad mortem
 probrosissimam adactus est, ut qui cum homo
 esset, faceret se ipsum Deum, & diceret, quia Fi-
 lius Dei sum, quia ego sum Christus, quia ven-
 turus esset in nubibus cum potestate & majesta-
 te, &c. quod extremæ superbix, mendacitatis,
 impietatis, imposturæque sine dubio fuerit.
 Porrò etiam stultissimum & vanissimum, Chri-
 stum fuisse opus erit fateri, qui ad hoc, ut Deum
 verum se hominibus persuaderet, nihil quidem
 Deo & Divinitate dignum egerit, feceritve, quin
 neque honesto, & spectabili, aut æstimatione
 homi-

G:
 B
 oper
 Jor
 N
 S

hominum dignum hominibus exhibuerit in se, & in suo genere, vita, statu, comitibus, sermonibusque suis: exhibuerit verò omnia contraria, nempe abjectionem, pauperiem, miseriam, impotentiam, convictum non tantum abjectorum, & rudium piscatorum, hominum sine literis, & omni splendore ac dignitate, sed etiam peccatorum, publicanorum, infamium, & male notæ apud omnes. Insuper verò subiit fanda infandaque ab æmulis & hostibus suis convitia, vincula, accusationes, damnationes, flagella, ludibria, carceres, cum latronibus comparationes, probrosæ mortis sententiam officiosam, patibuli portationem, affixionem ad Crucis patibulum, inter latrones duos, tanquam omnium latronum maximus, denique crudelem & abominabilem maledictamque in Cruce mortem, postremoque sepulturam ipsam. Quorum omnium & toleratio & ostentatio, inefficacissimum sanè medium erat ad probandam & persuadendam hominibus Divinitatem suam: imò nihil fuit efficacius ad eam abrogandam & negandam; ut meritò Judæi volentes ostendere ipsi etiam Christo, quòd Deus verus non esset, castigareque in eo condignè confictam & falsò arrogantem jactantemque Divinitatem, quasi verus Deus esset, meritò inquam assumpserint, pro merito competentissimo, consilium, & curam, & executionem necandi ejus in Cruce. Nos (inquiunt Summi Sacerdotes, omne consilium, populusque universus) *legem habemus, & secundum legem debet mori, quia filium Dei se fecit.* Stultissimus ergo, & planè vanissimus fuit Christus, si non fuit reverà verus Deus qui per Passionem adeò

Handwritten marginal notes in a cursive script, including the words "Cris", "iaki", "asceti", "us III", "V", and "8".

adeò diram, & per mortem adeò probri & tormenti plenam, voluerit probare, & putaverit se posse probare, quòd ipse esset Deus verus: cum per hoc medium non tantum non licuerit probare illi, quòd verus Deus esset, sed neque quòd honestus, aut probus, aut aliquo honore aestimationeque dignus homo esset; quin immo per hoc infelix, & non minus miserabile, quam detestabile medium assequeretur, ut etiam homo non esset, quippe qui in Cruce mortuus, & in Sepulchro conditus, de numeroque hominum sublatus esset; verè nemini magis quam sibi ipsi imposuisset Christus, si propterea miserimè nasci, vivere & mori, sepeliri que voluisset, ut credi posset verus Deus, & magno nimis mercatus esset opinionem falsam veri Dei: si propter eam delegisset è numero etiam hominum viventium, probrosissima quamvis morte deleri. Si extremè insanit, qui putida poma mercatur bono auro: quomodo non etiam ultra extremam insanit, qui verum falsi Dei mendacium, omnium bonorum, & sanguinis, & vitæ, & famæ crudeli impendio dispendioque licetur? Quod cum omnino in Christum Deum Redemptoremque nostrum non cadat, neque cadere possit: necesse est ut dicamus, Christum verè, & verum Deum esse: & verè per hominem assumptum, Redemptionem nostram, in vita, in Passione, & morte crucis peregrasse. Etsi enim puri hominis mors nihil profit, neque prodesse potuit redemptioni nostræ, potuit tamen prodesse, & re ipsa profuit Mors Dei-Hominis, cujus misericordie non est numerus, & bonitatis infinitus est thesaurus, & omnipotentia ejus nihil est impossibile

G:
 6
 oper
 107
 N.
 5

bile, & Charitati nihil indignum, & sapientiæ nihil impeditum, & voluntati nihil non justum. Passio ergo Christi Divinitatem & Humanitatem ejus probat, & efficacem salutis nostræ facit, & fidem nostram, omnem quidem sed præcipuè in articulo fundamentalis, de Christo, Deo verò, & Homine verò, Redemptoreque nostro, indubiam facit.

Eadem Passio Christi est spei nostræ lapis fundamentalis, & petra inconcussissima. Quando enim Passionem Christi habemus, quid jam sive à Patre æterno, sive ab ipsomet Christo non habituri sumus? Optimè argumentatur Paulus. *Si Deus Pater, proprio Filio non pepercit, sed pro nobis tradidit illum, quomodo non omnia cum ipso nobis donavit?* Et licet pariter in argumento pergere. Si Christus sibi ipsi non pepercit pro me, quid mihi suorum bonorum negabit? Est ergo Passio Domini nostri fundamentum spei nostræ, est arrha, est pignus omnium promissorum, est pro merito, & pretium eorundem, pro iisdem mihi elargiendis ad mensum: ad mensum autem ita largè, ita supra debitum, ita supra condignam æquitatem, ut injuria sit Christi Redemptoris, non exhibita retributio servis redemptis. Non confundit ergo nos spes nostra? salvi facti sumus jam spe nostrâ, quoniam Passio Christi, est pro Deo fidejussio nostra. Et quamvis aliud est retributionem esse promissam, & aliud re ipsâ exhibitam. Non tamen certior est retributionis divinæ, qui illam jam habet exhibitam, quàm qui illam adhuc solum expectat promissam. Utrumque enim æquè impossibile est, tam non haberi à Deo quæ promissit; quàm quod jam de-

Rom. 8. 32.

Handwritten notes on the right edge of the page, including the word "asceti" and various symbols and numbers.

dit. Denique tam securi certique sunt Christiani de his obtinendis, quæ illis Passione sua pro ipsis meruit Christus; quàm certus est de promeritis suis per Passionem suam idem ipse Christus. Et ille enim in spem gloriæ corporis sui, in spem universæ salutis nostræ, in spem omnium bonorum Ecclesiæ electorumque suorum, in spem omnis potestatis in cælo & in terra, in spem nominis sui, super omne nomen exaltandi, atque omni genu cælestium, terrestrium, & infernorum adorandi, in spem judicariæ super vivos mortuosque auctoritatis & potestatis, in spem Capitis Ecclesiæ, Passionis suæ laborem subiit: dicente ipso Domino; *hæc oportuit Christum pati, & ita intrare in gloriam suam.* Gloria autem Christi, omnia prædicta, & his similia sunt. Quidni ergo Passio Christi spem nostram fundet, firmet, radice, facundet, solidet: si etiam ipsi Christo laborum suorum incentivum & solatium stimulusque fuit? Quod etiam pridem Propheta, & illi, & de illo prænuñtiaverat. *Dominus conterere cum voluit in infirmitate Passionis: Si posuerit pro peccato animam suam, videbit semen longævum, & voluntas Domini in manu ejus dirigetur. Pro eo quod laboravit anima ejus, videbit, & saturabitur: scientia sua justificabit ipse justus servus meus multos, & iniquitates eorum ipse portabit. Ideo disperdit ei plurimos, & fortium spolia dividet, pro eo, quod tradidit in mortem animam suam, & cum sceleratis reputatus est; & ipse peccata multorum tulit, & pro transgressoribus rogavit.* Quibus verbis veteris testamenti Propheta, non tam Propheta

Isa. 53.10.

G:
B
oper
TOT
N.
S

quàm evangelicè, & Passionem Christi, & Spem, pramiamque Passionis ejus, copioso, & exacto stylo denarravit. Denique si Apostolo licuit dicere, *propter spem Israel catenâ hac circumdatus sum.* Multò justius licuisset Christo Domino profiteri, propter spem meam, & populi mei Cruci huic affixus sum, &c. Passio ergo Christi, & Crux, & Mors, anchora spei nostra est.

Eadem Passio Charitatem Christi erga nos demonstrat, & nostram erga Christum evincit. Nihil enim est aliud Passus, & Crucifixus, mortuusque JESUS, præterquam Filius Charitatis Aeterni Dei, *qui si dilexit mundum, ut Filium suum unigenitum daret, ut mundus salvaretur per ipsum.* Et idem est victima dilectionis suæ. *Oblatum est enim quia ipse voluit, & qui dilexit me tradidit semetipsum pro me.* Et, *Majorem charitatem nemo habet, quam ut animam suam ponat quis pro amicis suis, ille autem posuit eam pro nobis cum adhuc inimici essemus.* Ob quod etiam est Clibanus Amoris, in quo & Seraphim ardent, & corda nostra in æternum succendi, & ardere debent. At enim. Heu portentum sive Divinæ super nos, erga nos pietatis, sive nostræ erga benignissimum piissimumque Deum ingratitude. Deus in nobis vilissimis, ingratis, inimicissimis, perque omnia nihili, & nequam homuncionibus, invenit, ob quod nimiam suam charitatem effunderet in nos, utque etiam suæ propriæ Divinæ Personæ, sui Divini sanguinis, suæ Divinæ vitæ impendio, nos amaret. Nos autem in toto quantusquantus est Unigenito Dei, & Homine Deo, in omnibus bonis & benefici-

Act. 29. 20.

Joan. 3. 16.

Isa. 53. 7.

Gal. 2. 20.

Joan. 15. 13.

Rom. 5. 10.

Handwritten notes in the right margin:
 DRIZ
 i c ki
 ascen
 III
 V
 8

neficiis collatis in nos à Deo, in ipso charitatis & miserationis ejus nucleo, medullâ, thesauro, mari, & abyfso, nempe in Passione ejus, atque Crucis morte pro nobis suscepta reperire tamen non possumus propter quod Deum verè, constanter, ac dignè amemus; aut si reperimus, nihilominus eundem (quod quidem in immensum improbius, & indignius est) nihilominus (inquam) eundem non amamus, imò averfamur, repellimus, conculcamus, contemnimus, potiùsque & sincerius, atque constantius diabolo, Dei pariter, ac nostro capitali inimico, quàm ipsi omnis Bonitatis & Majestatis, & Charitatis fonti, adhærere eligimus. Quis audivit talia horribilia?

MODUS LXXIX.

Septuagesimus nonus Passionem Domini nostri meditandi Modus esse potest. Vestigando in ea exercitationem virtutum Cardinalium, cæterarumque moralium ab illis dimanantium, quomodo nimirum ea, & à Christo Domino in Passione sua exercitæ, & à nobis exercendæ in vita nostra sunt.

Prima ex Cardinalibus virtus est, Prudentia. Hæc utique in vita, at potissimum in Passione Christi eluxit. In illa enim admirando, & omnem humanam Angelicamque cogitationem excedente modo, sapientia Dei, malitiam viciorum diaboli, exsecuta est consilium suum, perfectam voluntatem Patris, perripit omnia obstacula salutis nostræ, vastavit infernum, mortem subegit mundum calcavit, cæli & terræ dissidia concilia-

S:
B
oper
TOT
N.
5